

曲信游覽指南

曲阜游覽指南凡例

一曲阜古爲帝都侯國又爲聖賢桑梓之鄉往來瞻謁者實繁有徒自鐵路交通更覺絡繹不絕使不有書爲之指示恐雪鴻所經遺珠是憾是編於聖蹟賢蹟外凡著名街道及與本邑有關要區一一詳載庶幾游覽者不至迷於嚮往故定其名曰曲阜游覽指南

一城邑古今沿革地址變遷以及地方形勢於游覽者甚有關係茲一一考證詳明末始非考古者之一助

曲阜游覽指南

一聖賢廟林及至聖修經設教之所尤爲人所景仰茲特著名建立之地就其中之形勢略言其大概使觀瞻者更易豁然

一歷代尊崇孔子及褒封之典以至後裔襲封名目雖載在史冊然道路遙遠不能多攜書籍設一時遺忘無可考稽亦一缺點是編記述簡明覽者可一目了然

一各衙署及各機關局所或裁革易名或創立新址一一著名以便尋覓



一名勝古蹟廟宇風俗物產教育以及各項雜事備載於篇以爲觀風問俗之助

一城圖附設於編首並參看聖賢廟林各條遊覽者便易於尋覓

一是編所載除尼山爲至聖發祥之地外餘所記者城及闕廂之事他如顏母項橐昌平九仙諸山洙泗沂雩蓼嶮諸水源流經行之處及合境全圖聖廟周十器漢五供漢魏諸碑所存文字悉未載入容俟二編續之

曲阜游覽指南

二

一是編所用之書以曲阜縣志爲多其餘若桂未谷札樸關里文獻考關里述聞山東考古錄續考古錄皆有所取資焉

一是編出於草創記載未能詳悉調查亦未周備簡陋舛錯之譏知所不免倘蒙博雅君子不吝教誨當隨時補正以免遺漏

一是編不分卷數按凡例逐類編成

曲阜游覽指南目錄

第一章 城邑總論

一 沿革 二 形勢街道

第二章 聖賢廟址

一 元聖周公廟 二 至聖孔子廟

三 復聖顏子廟

第三章 聖賢陵林

一 少昊陵 二 啟聖王林

曲阜游覽指南

三

三 至聖林 四 復聖顏子林

第四章 述至聖發祥設教修經之地及歷代褒封之典

尼山 二 書院 三 歷代褒封之典

第五章 政界學農商界各機關之住址

衙署 二 局所 三 學校

第六章 凡可以動游人之幸觸人憑弔之思者即記於此

一 古蹟古物

二 廟宇

三 墳墓

第八章 雜錄

一 風俗

二 物產

三 教務

四 考辨偶記

曲阜游覽指南

四

曲阜游覽指南

曲阜袁書鼎纂三編錄

重刊

第一章 城邑總論

(一)沿革

曲阜古爲大庭氏都炎帝少昊均都於此唐虞時爲徐州域商爲奄國都周封周公於曲阜爲魯國都戰國時入於楚名魯縣秦并天下置郡縣以魯縣屬薛郡漢初置魯國以縣爲國治屬豫州後漢屬豫州以魯縣爲東海國治魏

曲阜游覽指南

五

置魯郡晉兖州魯郡治魯縣劉宋後魏因之高齊改魯郡爲任城郡縣屬之周如齊制隋罷任城郡以魯縣屬兖州開皇十六年始定縣名曰曲阜唐罷魯郡置兖州隸河南道五代因之宋復兖州爲節度縣隸之大中祥符五年改曲阜爲仙源縣徙治於壽邱即今舊縣徽宗時升兖州爲襲慶府縣屬之高宗建炎二年縣入於金隸山東西路兖州太宗天會七年改仙源縣復爲曲阜元至元十六年改泰定軍爲兖州隸山東西道濟甯路總管府縣屬之明山東

布政司兗州府曲阜縣武宗正德六年盜犯闕里東兗道
僉事潘珍請移縣城許之至嘉靖元年縣城成即今之縣
城也清國之今罷府爲縣名仍其舊

(一) 形勢街道

今之曲阜縣城在古魯城西南隅自秦漢至宋初縣治皆
在古魯城東北隅古城村間宋真宗大中祥符中改名仙
源在今縣治東北八里今名舊縣村縣城周八里三十六
步高二丈厚半之外砌以磚池深一丈廣稱之立五門正

曲阜游覽指南

六

縣城
形勢

南曰仰聖東南曰崇信東曰秉禮西曰宗魯北曰延恩縣
境東西廣五十五里南北袤七十五里城北六里有泗水
穿孔林過者爲洙水城南里許爲沂水再南有雩水再南
曰洙水城東二十里爲防山曲阜之名以防山西有阜委
曲長七八里也再東有戈山馬頭山皆近鄒泗境北近石
門山九仙山處路多崎嶇故東境北境多高原再西除舊
縣顏子店二村間地勢窪下餘皆平原再西地漸低故近
泗與沂雩二水間者當盛夏雨水大時往往口決淹沒田

出統
粹門
往東

禾城內中爲至聖廟東出毓粹門俗名東華門北爲孔子
故宅東爲衍聖公府又東爲鼓樓門東爲鼓樓街折而北
有關帝廟由廟直東爲東門大街出東門爲東門外大街
關廟南北爲陋巷街復聖廟在其北東爲顏廟街東爲翰
博府往北爲顏廟夾道再東爲東野翰博府由街中往南
爲三皇廟街街中東西爲龍虎街由復聖廟往西折而北爲
北門大街復聖廟中間轉西爲官園街再少南往西爲後
宰門出毓粹門往南爲鐘樓門南爲闕里街闕里坊在焉

曲阜游覽指南

七

出毓粹門
往南

街東爲前學使考院東爲考棚街中間轉北爲新街北爲
關帝廟街再西爲鐘樓街考棚街東頭爲池門口口南北爲
東南門大街中間東爲桂家車門東爲紙房街由東南門
大街再北爲棋盤街街南首轉東爲五馬祠街街中間往北
有塘子湖湖影壁胡同往南爲池涯

出觀德門
往西

由至聖廟西出觀德門俗名西華門西爲四氏學門前往
南東西街爲狀元坊街亦名銅匠鋪街西爲火神廟街再西
爲縣門口縣公署在其北署前直出西門爲西門外大街

署東爲縣胡同西爲馬號街署西南爲南胡同東爲柴市
火神閣北街育接城隍廟南北街中間往西爲書院街少
南轉西爲縣後街

出觀
德門
往北

觀德門外南北爲廟牆根往北少許轉西爲轆轤街再北
爲城隍廟東西街街西首往北有華祖廟胡同二府夾道
由觀德門往南仰高門外西爲曲阜縣學再西爲倉巷街
五城門內爲東西南北馬道東西北三門外商業尙屬興
盛正南門外爲至聖廟神道兩傍檜柏森蔚直達沂岸東

德門
往南

曲阜游覽指南

關廟
四集

南門外無大街只寥寥數家旅店兩三處再南則泉水濼
洄多稻田香稻印出其間北門外有東西魚市東關東頭
近周公廟處每逢十五有新設布市西門外有二層橋三
層橋菜市等處再西有聖公府荷花池今漸頽落城關廟
有四集每逢二爲東關四爲北關七爲西關九爲南關曲
阜交通不甚便利惟東通沂泗西通兗濟尙屬大道非南
北往來通衢津浦鐵路又去城較遠是以商業仍多沿故
習不甚發達幸聖蹟賢躅所在四方士夫接踵而至故市

而尙不甚寥落

第二章 聖賢廟址

(一)元聖周公廟

元聖廟在城東北里許高阜上即魯太廟故址廟制正殿五間殿中恭安像主東配以魯公像西有金人像後寢殿五間安公夫人神位今已坍塌殿兩廡立三十三公主東爲間禮堂勒清高宗御製詩於碑西爲更衣亭近已傾圮南有甍楊繪圖刻石碣上南爲達孝門門外碑亭暨清聖

曲阜游覽指南

九

祖御製文碑又南爲成德門又南爲櫺星門左右坊曰經天緯地右石坊曰制禮作樂中石坊曰文憲王廟四周墻垣共三百八十八丈清康熙二十四年設翰林院五經博士世奉周公祀

(二)至聖孔子廟

至聖廟在縣城中央偏西即闕里故宅其制大成殿九間高七丈八尺六寸闊十四丈二尺七寸深入丈四尺前柱以石皆盤龍旁及後檐則石柱而鏤花瓦覆以黃前爲露臺

大成
殿以前之
聖蹟

四繞石欄凡兩層中陛及左右各十二級殿內中一龕奉安至聖神主塑聖像執鎮圭冕十二旒服十二章東傍二龕奉顏子子思神主西傍二龕奉曾子孟子神主次東傍三龕奉閔子冉子雍端木子仲子卜子有子神主次西傍三龕奉冉子耕宰子冉子求言子顓孫子朱子熹神主四配十二哲各塑像執躬圭冕九旒服九章大成殿前東西廡奉先賢先儒各神主露臺下爲杏壇元党懷英書石其東南爲至聖手植檜正南爲大成門五間列戟二十四左

曲阜游覽指南

十

掖門曰金聲右掖門曰玉振大成門外碑亭十有三座自碑亭東出爲毓粹門西出爲觀德門爲行人往來之道大成門之南爲奎文閣七間三檐高七丈四尺濶九丈四尺五寸深五丈五尺九寸舊爲藏賜書之所左右掖皆有門門左右直房各五間其東南五楹爲衍聖公致齋所其西南爲碑院又南爲同文門漢魏隋唐各碑在焉又南爲大中門又南爲弘道門二門左右皆有角門門外爲璧水橋三座橋東爲快觀門西曰仰高門前三聖時門五間三

大成殿以後聖蹟

大成殿之西聖蹟

洞如城門制南爲至聖廟坊又南爲太和元氣坊東爲德
侔天地坊西爲道冠古今坊又南爲樞星門左右列下馬
牌又南踰小橋爲金聲玉振坊南爲縣正南門門曰仰聖
門明胡纘宗題額曰萬仞宮牆門外有城河橋橋外神道
兩傍植柏里許入成殿之後爲寢殿七間奉祀聖配夫人
元官氏神主左右各有掖門寢殿後爲聖蹟殿門內爲聖
蹟殿五間藏聖像及聖蹟圖諸石現下其圖多半糊大
成殿兩廡之上各有翌門東通崇聖祠中奉至聖五代神

曲阜游覽指南

十一

至西通啟聖祠中奉啟聖王像後爲寢殿奉啟王夫人顏
氏神主崇聖祠前有孔子故井井西爲魯璧故址又前爲
詩禮堂東廡爲禮器庫又南承聖門其西即金聲門啟聖
殿前爲金絲堂西廡爲樂器庫南爲啟聖門其東即玉振門
後並有神庖神廚后土祠及瘞所廟中碑碣如林檜柏蓊
鬱老幹扶疏難以數計廟基周二里殿遮廊廡共三百一
十六間周以崇垣四隅各起角樓內有清雍正十年頒賜
法瑯供器五設於聖像前案上又有清乾隆三十六年頒

賜周器十事古色斑斕真希世珍也每逢二八月六下及大成節頒出陳設餘則珍藏於聖公府內

(三) 復聖顏子廟

復聖廟在縣北門裏路東相傳爲陋巷故址廟制正殿七間重檐高四丈九尺闊十一丈一尺深六丈七尺前柱以石皆盤龍旁及後檐則石柱而鐫花覆以綠琉璃瓦露台以大方磚鋪砌四繞石欄正中奉復聖顏子像主後寢殿五間奉復聖夫人神位東四廡各七間左祀顏歆顏之推

曲阜游覽指南

三

陋巷井

顏真卿杲卿右祀顏儉顏見遠顏師古顏胤紹神主中爲顏樂亭欄柱俱以石亭南爲仰聖門左右各有掖門門外碑亭二座又南爲歸仁門左掖爲克已門右掖爲復禮門歸仁門外稍西爲陋巷井覆之以亭亭上檜樹蟠曲如蓋井稍東有卓石特立今已折爲二段前有陋巷故址碑又南爲復聖門門外爲復聖廟石坊東坊爲卓冠賢科西坊爲優入聖域又廟東南石坊曰陋巷南即陋巷街由克已門而入有齋宿房七楹北爲祭器庫五楹俱西向又北爲

見進門。門內爲退省堂。堂後有虎皮。松膚皮。而班由復禮門而入。爲祀國公門。門內爲祀國殿。奉安祀國公像。主後爲寢殿。祀端獻夫人神位。歸仁門外東爲博文門。門北卽復聖府。西爲約禮門。外卽北門大街廟。共十九座。七十二間。牆垣四周三百一十二丈。

第三章 聖賢陵林

（一）少昊陵

少昊陵在城東北八里舊縣林東北里許。博八丈九尺高。

二丈。寶頂方二丈一尺。宋時疊石飾之。上有石室供石像。按帝陵史冊所載不一。至前明始定祀於曲阜。三歲一遣官致祭。舊有小廟在陵東。清乾隆三年知縣孔毓璠請帑於陵前建宮門三間。享殿五間。東西配殿各三間。門外建石坊曰少昊陵。築土垣四周長二百丈有奇。十二年易以磚。種檜柏樹若干。蒞蔚森秀殿中。恭修神龕。奉安清高宗御筆題少昊金天氏神位。

（二）啓聖王林

啓聖王林

啓聖王林在縣城東二十五里俗稱曰梁公林南對防山北阻泗水墓之東南數武爲聖兄孟皮墓享殿三間林門三間華棧重檐覆以碧瓦一如崇聖祠之制

至聖林

至聖林詎縣城北三里面洙背泗史記云孔子葬魯城北泗上聖墓封如馬鬣冢高一丈五尺南北廣十步冢前石碑二一爲宋宣和元年舊碑其一則明正統間前衍聖公

孔

彥縉所立其西南室三間東向祀端木子碑曰子貢廬墓處聖墓東十步許爲伯魚子墓樹石碑二聖墓南十步許爲子思子墓亦樹二碑前有翁仲二宋宣和舊物也伯魚子墓之東南爲宋真宗駐蹕亭又南爲清高祖駐蹕亭皆南向又南爲楷亭西向子貢手植楷枯幹在焉又前爲享殿五間殿南爲角道中立石鼎傍列兩翁仲左執笏又按劍元豹二角端二華表二尊靈門三間東偏爲思堂三間

左右廂各三間墓門之外有洙水橋折而東有宋真宗輦路其前有觀樓即林牆在古魯城之上由觀樓而南東西列垣夾甬道其南為至聖林門外有至聖林坊坊左右為林前村或曰即孔里也又南有石闕五楹為萬古長春坊左右碑亭二又南為文津橋又南為縣城北門自外里許神道

兩傍古柏葱茂森然對立林基初不過一頃後以次增拓至二十九頃後以次四十畝九分四周計十餘里自孔子

曲阜游覽指南

後至今為孔氏者皆葬於聖墓垣牆以外林牆以內古人所謂族葬也

復聖顏子林

顏氏有兩塋邑人皆稱曰顏林城東五里為侍郎林北齊周以後之顏氏皆附焉其在防山之陽距城二十餘里乃顏子墓塋墓高丈餘有豐碑篆曰堯國復聖公墓立於明嘉靖時墓前一石高三尺許鐫兩甲士背負而坐一執斧一執金吾杞國公及其裔皆於此葬焉

（一）尼山

尼山在縣東南六十里乃至聖發祥之地山周十里五峯連峙曰五老峯中峯迥出霄漢峯之麓有至聖廟正南為大成門三間中為大成殿三間祀至聖及四配像左右廡各五間祀十二哲及七十二賢木主後為寢殿祀至聖夫人主廟東為尼山書院西為毓聖侯祠再西為啟聖王祠後為啟聖王夫人寢殿大成門外東南隅有觀川亭亭東為文德林下有坤靈洞北為中和壑其流曰智源溪沂水

曲阜游覽指南

因

出焉溪上有石橋跨之橋在廟外西南

（二）書院

洙泗書院在縣城東北八里相傳夫子設教洙泗之間即其地泗水經其北內大成殿五間祀至聖東西廡各三間前為講堂三間又前為書院門四圍繚以重垣有石碑曰洙泗書院

春秋書院即春秋臺故址在城東南十二里西鄒村今名曰息陔任昉述異記云孔子作春秋於此宋時立祠以本